

وماتنساش فرعين من نور
وقراز غالي من البنور
وكمآن قوم هاتلك حنطور
ولف الكفر داير ما يدور
أنا دكتور أنا دكتور

محبّة الأوطان

الوطن عمره ماكان حِفْنَة تُراب
زى ماقالها ف يوم حته غراب
كان ساعتها فكره رايح للخراب
والوطن مش بس حته أرض
الوطن ياناس دا يبقى العرض
والحب ليه واجب علينا وفرض
أصل الوطن عامل كمثّل الأم
في حضنها تاخذ الجميع وتضم

وحبها على الجميع لازم يُعم
ممکن يكون من بين ولادها حد شارد
فكره غريب أو حتى كره برضه وارد
تلقى كمان في الحق واحد شجاع .. مارد
أو واحد جبان خَوَّان ماعندوش دم .. بارد
ممکن يكون الطريق فيه الصعاب
ولا الأمل معجون بطعم العذاب
ولا تلاقي الفرح محجوب بألف حجاب
لكن المهم
الجميع ف الوطن يتلم
الوطن لحياتنا هو البر هو الشط
مهما السفينه تلف تيجي عليه وتحط
بعد التعب والغربة هو الأمان
الوطن حزن الدفا والحنان
وحتلقى فيه الراحة للتعبان

مهما تكون قاسي أو حتى كمان زعلان
إو عاك ف يوم تنسى محبة الأوطان

.....

بأحبك يا بلدي بكل اللغات

بأحبك يا بلدي بكل اللغات
بجد وحقيقه ومش أمنيات
حُبك في دمي أصله جيئات
وعاشق تُرابك لحد الممات
وشجرك ونيك والأهرامات
ويعجز كلامي في ذكر الصفات
مهما بتقسي علي ساعات
والآ بتصعب فيك حاجات
أو مره تُهنأ في بحر السكات
أو يعلى بينا صوت الآهات
لو كُنت عايش يا دُوب ع الفتات
عرقان في همي بأصحي وآبات